

ليلة اوداع النبي تبجي رساله

وتشتكي الزهره البتول يوم فارغها الرسول

أكتب على صمته عذابي ودمعة البين  
وانته على افراشك طريح امغمض العين  
يا بويه أصحباك نسوا صحتهم اسنين  
ما غيراني وحيدر علي والحسن واحسين  
لا ترجي من صحتك دمع حسره ولا اونين  
ما غيراهل بيتك لرب العزه شاكين

راحل رسول الله

وانته بأمان الله

هاليله تبقى امغمضه  
وراسك في حجر المرتضى

عين اللي تغمرني ابعطف  
يجرحني صمتك يا الأبو

قبلها لحسين  
كل النبيين

وممدوده ليدين  
ياللي انفجع ليك

بدموعي .. لكنه القضا  
وآني على قلبي الرضا

لو بيدي أغسل مبسمك  
أدري على ربي الأمر

واقليبي منهار  
في الدنيا ما صار

صمتك شعل نار  
ياللي بجلالك

ليلة اوداع النبي تبجي الرسالة

وتشتكي الزهره البتول يوم فارغها الرسول

أسأل عن اسرار الصبر في قلبك شلون  
صمتك يطول وأهلك بقربك يونون  
يكفي دمع عيني .. لجل تفتح هلعينون  
يا صبري ... من وين الصبر واقليبي محزون  
في جفئك انوار الشمس مترسمه تكون  
ومن غمضت عينك رجع في ظلمته الكون

وأظلم على العترة يا والد الزهره

أسأل علي ليش الأبـو  
موعادته من أنشده  
ما ليّ به بعيونه يصد  
يكثـر سكوته وما يرد

أذكر كلامه  
وما هو الجفا من  
او وجهه إذا رد  
عادة محمد

وكل يوم إلى شوف الأبـو  
واليوم اشوفك يا علي  
بالفرحه في الدار استعد  
تحمل أبويه للجد

وآني اعلى فرقاه  
أصرخ واناديه  
أحزاني تشدد  
آ يا محمد

ليلة اوداع النبي تبجي رساله

وتشتكي الزهره البتول يوم فارغها الرسول

إنته رسول الله العلي ومن قال ( يهجر )  
طباغي بكتاب الله العظيم او دينه يكفر  
ما يوقفه رادع لأن دينه التكبر  
وانته اللي ما ينطق هوى بصوتك ولا يمر  
لكن على هذا الأذى يا بويه تصبر  
وفي قلبي من هذا الحصل أحزاني تحفر

من كذبك غيّه زاد الألم بيّه

أدري بدواتك والكتف  
لنّه صراط الله وأمل  
تكتب وصيتك ابعلي  
في الدنيا من بعدك إلي

لكن هلصحاب  
ومن فعلة القوم  
رفضوا وصاياك  
دمعه في عيناك

شفتك تمد صوب السما  
قلت ( احتسب حق عترتي  
عينك إلى الرب العلي  
عندك عليك امعولي )

وناديتك هناك  
متحمل افراق  
مقدر بلياك  
تاخذني وياك

ليلة اوداع النبي تبجي رساله

وتشتكي الزهره البتول يوم فارغها الرسول

يا غافي للموت ارتفع بسـمك الإسلام  
يا قلبك إلبدين السـمه متحمل آلام  
معروف متبايع قُـريش او تنزل الهـام  
هـذي القبيلة الغاشـمه قادتـها ظـلام  
والمؤمن بدربك بعد ثائر إذا قام  
( تبت يدا أبي لهب ) ... تسقط الأصنام

معروف متساوم أي جاير او ظالم

من مكه أسرجت الإبا  
وانته ( صمودك ) تكتبه  
من ( قل هو الله أحد )  
ويبقى الشعار إلى الأبد

تصبر ولو كان  
بس تهدم اصنام  
دربك طويله  
كفر القبيله

هـذي سـميه امعذبـه  
وصرخة بلال الغاضبه  
سوط الكفر لها شهد  
في صدره الصخره وصمد

والهـم إذا زاد  
والله إذا راد  
قلبك يشيله  
ينصر رسوله

ليلة اوداع النبي تبجي رساله

وتشتكي الزهره البتول يوم فارغها الرسول

أسمع جروحك في القلب تغمرني بالآه  
وجبريل ينادي في السما أي وانبياه  
بوجهك تطوف الأنبياء بلهفه تنعاه  
وقرآنك الفقـدك بعد مذروفه عيناه  
يا سيد اصحاب الكسا راحل إلى الله  
ذكرك في دمعـة فاطمه وماظنها تنساه

وجهك يواسيها متظن تخليها

في اشفاتك آيات القدر سورة كتاب امرتله  
شلون النبي دون البشر يبقى جنازه امعطله

شلون النبي اليوم ميت في لثنين  
ويبقى ابلا دفان في افراشه يومين

من يدفنه وقوم الغدر لجل الخلافه مقبله  
وحيدر يسحبونه بأمر للبيعه إيده مغلله

لو أمرك اكون بأمره أبو حسين  
تغسيلك ادموع والمدفن العين